



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Annales Mariani Societatis Iesv**

**Nádasi, János**

**Romæ, 1658**

Anno MDXCVIII.

**urn:nbn:de:hbz:466:1-42840**

strenuam habes adiutricem Sanctissimam Virginem  
Reginam nostram DEI Matrem. Ne te ab illa ab-  
iugas; ipsamque perpetuò roga, ne nos deserat.  
Ipsius enim ope omnia poteris. Peto ut huius mi-  
seri fratris tui Iosephi in tuis ad ipsam precibus  
memineris. Ipse certè, quod narrat Gaspar Tausch,  
cùm post horam dimidiam è fundo aquarum fuisset  
extractus, rogatusque ecquid interea cogitasset  
respondit: Duo hæc; IESVM, & MARIAM, & ne  
de flumine biberem. *Ipsa, inquit S. Bonaventura,  
est solatium nostrum, & in laboribus subuentio optima.*  
Eam ut experiretur P. Æmilianus Garzia, hoc anno  
Compluti mortuus, dum de vitæ statu deliberaret,  
Deiparæ consiliū per multas afflictationes expetijt,  
diebus Sabbati herbis, vel pane tantum, & aquâ  
contentus; & lucem obtinuit, ut est in eius vita.

ANNO M D X C V I I I.

356 P. Petrus Canisius hoc anno 1598. exeun-  
te obiit. Scripsit de B. Virgine doctos, & pios libros  
quinque; de quibus ita Hosius Cardinalis: Nec ob-  
liuiscetur operis huius tui tam sancti Virgo sanctis-  
sima quam sic ornare scriptis tuis es conatus; ut  
vix quisquam sit à quo magis fuerit illustrata. Mi-  
hi quidem tam exactè scripta videntur omnia, ut  
quid in hoc opere desiderari possit, non videam.  
Romæ 25. Ianuarij anno Domi. 1578. Ipse verò Ca-  
nisius diuinæ Matris honori doctè ac sanctè inten-  
tus vnum Deiparæ honorem curat; hominum iu-  
dicia, velut fragiles aranearum telas, nihil. Vocat  
illam sacratissimam, neque satis vnquam, vel laui-  
datam, vel honoratam, angustissimam Reginam,  
eandemque fidelissimam Matrem, quam sine fructu  
piè nullus implorat, & cui mortales omnes benefi-  
ciorum memoriâ sempiternâ deuincti sunt. Agno-

Literis  
hortari  
alium ad  
B.V. cul-  
tum.

Matris  
doloros.

pag. 704.  
In peri-  
culis Ie-  
sum, &  
Mariam  
cogitare.

ps. 72.

De B. V.  
scribere.

In fine  
libri 5.



scit peculiaria DEI munera per illam sibi collata, pro quibus vt gratias redderet, rosarij Virginis erat amantissimus recitatione creberrimâ. sed & Inpremo. ferè vitæ die adhuc, socio adiuuante, vespertinam B. Virgini psalmodiam est exutus. S. Basilius Episcopus Seleucia, laudem B. Virginis vocat *negotium hominum perspicuissimum; quique corpore & anima sincerè expurgati, nec non emicatione quadam diuina gratia affatim illuminati, debitam DEI. Matri laudationem plenè concinnent.*

357. Pauperibus verecundis subueniendi modos quæretè est gratum Deiparæ obsequium exhibere. Quæsiuere nostri in Montis Regalis Collegio in Prouincia Mediolanensi; eâque de causa hoc anno nobilium virorum sub Annunciata Deiparæ nomine sodalium instituire. Primo eius cœtus Sodali ægro quid auxiliij attulerit Beatissima Virgo, vide in Incitamentis n. 90. Cùm ipsa sit misericordiae Mater, amat vt clientes sui sint Filij misericordiae, viri misericordiarum, digni qui à DEO misericordiam consequantur. Ille sodalis certè ad omnia magno animo ferenda dixit se B. Virginis patrocinio incredibiliter animatum, quæ Virginis illum firmantis misericordiae præmium erat illius misericordiae, quam ille cum cœtu reliquo ijs pauperibus impendebat, quos à mendicando pudor abstineret. *Inuestigate thesauros misericordiae illius,* ait S. Bonavent.

358. Hoc anno 28. Febr. abiit è vita P. Ignatius Martinus è Sebastiani Regis concionatore catechista Marianus, de quo Incitamenta n. 91. Etiam ex ore infantium perficit laudes suæ Matris, DEVS. Laudemus, amemus, citra metum respectum humanorum illam, cui idem Sanctus: *Scire & cognoscere te est radix immortalitatis, & enarrare virtutes tuas est.*



*est via salutis.* Hanc viam inijt hoc anno P. Iacobus Vilichius admirabili lætitiâ gestiens in morte; quam obiit inter coronam Deiparæ cum quopiam, qui ei aderat recitandam.

359. Casarangustæ nobilem Deiparæ festa colendi industriam iniere quâ nostri quâ femina quædam illustris non sine operæ pretio. Matrôna quædam illustris, inquit literæ, solet pronigilijs omnibus B.V. MARIA, quam summâ pietate veneratur, & colit, vnam in domum conuocare meretrices omnes, easque suis alere sumptibus ijs ipsis diebus, ne DEVM offendant; quo tempore vnus è nostris concionem habet ad illas; sapèque fit, vt multæ resipiscant, & ad domum deferantur conuersarum. Ita flagitiosissimæ etiam animæ alliciuntur ad CHRISTVM, ope Virginis. *An ad IESVM trepidas accedere,* inquit è S. Bernardo S. Thomas; *Frater tuus est, & caro tua. Hunc tibi fratrem MARIA dedit.*

360. Cultum Deiparæ cum corporis afflictatione iungendum esse docet nostros Nouitios sapiens illa Mater, quæ, vt Auenionenses ferunt, filio suo ad Societatis tyrocinium vt proficisci posset magnoperè flagitanti, amplâ faciens potestatem, benedictione illum suâ impertiuit; atque vt perseveranter in ijs quæ aggrediebatur persisteret, coronam B. Virginis, & cilicium (quibus hætenus ipsa vsa fuerat) illi velut pro constantiæ retinenda anchorâ & instrumento, dedit. Magna perseverantia tessera est amor erga Deiparam, & odium in carnem suam. Ita nobis illa erit in Matrem; cui S. Bonauentura: *O Domina mea charissima, velut gallina tege me mirabili possessione tua. Tuus totus ego sum; & omnia mea tua sunt. Oderis te: amabit te.*

Eos

Vigilia  
fest. B.V.

Annus  
pag. 446.

in e. 10.  
Appc.

Cultum  
B.V. cum  
mortifica  
tione cõ  
iungere.

in Psalms  
rio. Cante  
mus.